



Reuerendi Patris P. Hieremiæ Drexelii e Societate Iesu Opera omnia

Duobus nunc Voluminibus comprehensa, & libellis ante hac non editis
aucta ; Illvstrata, Indicibvs Moralibus, Locorum S. Scripturæ, Capitalium
Mysteriorum fidei, Rerum, & Concionum quouis anni tempore habendarum
; Congestis Et Compositis Methodo prorsus, alijs Auctoribus inusitata ; Sed
Theologis ...

Drexel, Jeremias

Antverpiæ, 1643

Epilogus & monitum Lectori.

[urn:nbn:de:hbz:466:1-77028](https://nbn-resolving.org/urn:nbn:de:hbz:466:1-77028)

VI. ORATIO

Sapius dicenda, Contritionis, Fidei, Spei, Charitatis &c.
actus continens.

lucem miserationum tuarum, conforta mentem illius A
in te, intellectum illumina, voluntatem accende. Cle-
mentissime Deus, hunc hominem in te uno, omnium
ultimo, incommutabili, infinito ac summo dono con-
serva. Protege eum ab omni potestate adversarii, à Sa-
tanæ tentationibus, ab omni occulsiu contrarios. Non
secundum peccata ejus judices eum, sed secundum be-
nignissimam bonitatis tuæ immensitatem, secundum
charitatem tuam affluentissimam, secundum multitu-
dinem miserationum tuarum miserere illius, indulge
illi & parce: suscipe spiritum illius in sanctissimam dile-
ctionis tuæ brachia. Hoc te rogamus per Unigenitum
filium tuum, Dominum nostrum Jē sū m Christum,
per universa ejus beneficia & merita, per omnia re-
demptionis nostræ mysteria, per quicquid in seipso pro
nostrā salute assumpsit, fecit ac passus est, per omnem
denique bonitatem tuam, ô Pater, qui cum Unigenito
tuo, & sancto Spiritu unus es verus, solus, ac summus
Deus.

Ad Deum Filium.

O Bsecramus te Domine Jē sū v Christe per chari-
tatis tuæ ardorem, quo teipsum pro nostrā re-
demptione tradidisti in mortem, mortem autem cru-
cis acerbissimam atque turpissimam, & per tui pretio-
sissimi pro nobis liberalissimè fusi sanguinis pretium,
per tuæ quoque amarissimæ passionis indeficientissi-
mum ac copiosissimum meritum, atque per tuam di-
lectissimam Matrem, perque maternæ compassionis il-
lius acerbiter, cum tibi usque ad tuum in cruce ex-
cessum assisteret, mirifica pietatis tuæ abyssum in hoc
tuo famulo, à vitæ præsentis luce ad te omnium Judi-
cem metuendum transeunte. Præpara animam ejus, ô
Domine, ad occurrendum tibi, & sine verâ contritione
ac filiali ad te conversione ne eum à corpore separari
permittas. Visita & illustra mentem ejus visitatione tuâ
secreta & paternâ, quâ in ictu oculi iustificas impium,
& ex immundo mundum efficias. Mitte ei, ô Domine
& Salvator, auxilium gratiæ tuæ, à throno gloriæ tuæ, &
eâ pietate, quâ latroni serò penitenti indulgentissimè
promissisti: Hodie mecum eris in paradiso, etiam in hoc
homine, pietatis & charitatis tuæ viscera ostende. Jube
eum ad tuam misericordiam pervenire, ô Salvator
Mundi, Rex gloriæ, Princeps virtutum, Judex supreme,
Deus altissime, qui cum Patre & sancto Spiritu vivis &
regnas benedictus per infinita sæcula.

Ad Deum Spiritum sanctum.

S Piritus sancte Deus, adorande paraclete, bonitatis,
pacis, charitatis & omnis dulcedinis fons immense,
obsecramus te per tuam æternam ex Patre & Filio pro-
cessionem, infunde nunc radium tuæ propitiationis, in
animam istam undique angustatam: omnes maligno-
rum spirituum impugnationes ab eâ remove: effunde
in illam divitiis gratiæ tuæ, eamque conforta & erige
contra universam vitiorum ac demonum metuendam
aciem; fac eam plenè contritam ad suum Creatorem
servidè aspirare, & ad fontem totius puritatis ac san-
ctitatis purificatam venire. Imple illam eâ largitate, quâ
in die Pentecostes igneis linguis super Christi discipu-
los descendisti. Dignare, ô divine Spiritus, hunc homi-
nem illuminare & accendere atque ad te totius salutis
ac gratiæ fontalem originem perducere, qui cum Patre
& Filio vivis & regnas æqualis Deus, per infinita sæcu-
lorum sæcula. Amen.

D Omine Jē sū v Christe, credo quòd Deus meus &
Redemptor meus es. Credo quòd pro meā salute
de Virgine Mariā nasci, & in cruce mori dignatus es.
Credo quicquid per sanctam Catholicam Ecclesiam
mihi credendum proponis, & in hac fide protestor me
vivere velle, & mori. Domine Jē sū v, doleo quòd sum-
mam bonitatem tuam offenderim, & doleo quòd non
magis doleam de tot offensis contra te creatorem &
redemptorem meum ingratisimè perpetratis. Peto
humiliter peccata omnia mihi condonari per sangui-
nem tuum; firmiter ab eis abstinere, & vitam emendare
propono, si vixero. Atque si quid obligus sum, vel non
cognoscam, quo tuam Majestatem offendi, de eo illu-
minari cupio & pœnitere; interim de omnibus veniam
peto.

Omnibus qui me unquam offenderunt, libenter &
ex animo, propter te, mi Deus, offensas omnes dimitto,
& si quem offendi ego, precor etiam mihi veniam dari.
Si quid alienorum bonorum est apud me, quantum te-
neor, & facultates meæ se extendunt, volo satisfieri
omnibus. Spero in dignā tuā misericordiā, & in san-
guine cum tantā charitate pro me fuso, quod me licet
indignum salvum facies, & adimplebis me lætitiā cum
vultu tuo, quod ut facias, per sanctam passionem &
mortem tuam te pœcor. Corroboram me, Domine Jē sū v,
contra omnes Satanæ insultus, & scuto misericordiæ
tuæ protege me, quoniam in bonitatis tuæ praesidio tota
est reposita spes & fiducia mea. Nihil quidem merito-
rum habeo, quod allegem apud te; malorum heu nimis
multum video, sed per tuam misericordiam confido
me salvandum. Ita in pace in idipsum dormiam & re-
quiescam, quoniam tu Domine singulariter in spe
constituisti me. Tibi laus & gloria in sæculorum sæ-
cula, Amen.

Epilogus & monitum Lectori.

H As preces, mi Lector, pro animam agentis
dicendas, tu ipse pro teipso, dum sanus es,
pauculis mutatis, sapius dices, si sapias. Putem ego ad
vitam sanctius instituendam vix efficacius quidquam
cogitari, quàm lacrymabilem illum hominis moribundi
statum. Tunc illud Domini varicinium etiam in mori-
bundos pronunciatum luculentè se prodit: *Quia venient* Luc. cap. 19.
dies in te, & circumdabunt te inimici tui vallo, & circumda- vers. 43.
bunt te, & coangustabunt te undique & ad terram proper- 44.
nent te, & non relinquent in te lapidem super lapidem. Hæc
certè, oculis testibus, in homine moribundo fiunt. Cir-
cumdant illum angustia, fatigant sollicitudines diversæ,
vallant dolores, tentant cæcædæmones, peccata præ-
terita in terram proterunt, supplicia futura perterre-
faciunt, creata omnia deserunt. Et licet morientis lectu-
lum peritissimi medicorum cingant, nullus juvare po-
test, nisi medicus de cælo. Aeterna lex à principio dicta Mundo
omni huic Mundo, nasci, denasci; oriri, aboriri: nec æterna lex
quidquam stabile aut firmum arbitri ille rerum esse dicta, quat
voluit præter seipsum. Abeunt omnia hunc nascendi
pereundi que fatalem gyrum, & longævum sit aliquid
in hac machinâ, æternum nihil. Per tuam ergo ipsius, mi
Lector, salutem te rogo, memento æternitatis. Momen- Omne bo-
tum est vita; heu momentum est! sed pendet ab hoc num &
momento sive perenne bonum, sive perenne malum. pendet à
Brevis est labor; voluptas omnis evanescit; sola ignorat vitæ mo-
finem æternitas: Memento æternitatis. mento.

FINIS AETERNITATIS PRODRUMI.

Tom. I.

H

TRIBV-